

序

陳君蕙亭。吾浙振奇士也。居鄉試文字不得志。乃去而以末秩試吏於吳中。仍落落寡所合。自少嘗讀黃帝書。能盡百藥之性。以之療人病輒效。意不欲私其能也。需次多暇。乃輯爲本草撮要一書。將傳諸世。俾人人知藥之所以中於病者。第不違其性。舉一世可無疾痛痼瘳之患。官不足以濟世。而託之醫。其願宏。其術精矣。余今年秋。始以吳中長吏之招。來襄理學堂事。君稔之。微循過訪。袖出其書。眎余。余潛於醫。顧讀其書。百藥之情狀。洞若觀火。彌爽心目。因盡然有感於吾學堂之生徒。其賢者猶壯夫之。不待藥也。而世俗囂張。狂誕之習方盛。譬如時行疹厲。往往感人而易病。欲亟治之。而苦未得其藥。君儻別有肘後之秘。能惠我以爲生徒療者乎。今學堂生徒。將儲爲他日療國之醫者也。生徒之病。必先療而後可以言療國。君果別有術焉。蓋卽視此書例。亦一一條舉。夫藥之中於病者。而更有以眎我乎。

光緒辛丑臘月之望。辭民張預謹書於吳門中西學堂之東書廡下。

序

醫師之用藥。猶大將之用兵。兵不得力。將罔克成功。藥不得力。病罕有起色。行軍辨主客要害。用藥分君臣佐使。醫門多疾。未有藥性不明而能着手奏效者也。神農本草經尙已。李時珍綱目。粲然大備。而恒用之藥。不過

數百味。不用則失傳。存其名而無其物。近有本草備要。本草從新二書。盛行於世。而繁簡失當。主治之法。與前賢不相脗合。識者譏焉。吾友平邑陳君蕙亭。儒而醫者也。銜官屈宋。與余需次吳門。朋簪賓榻。昕夕晤對者有年。省垣設官醫局。蕙亭董其事。活人無算。臨症療治之暇。手輯本草撮要一書。其自序云。以藥爲經。以方爲緯。視備要略增。視從新稍減。見者以爲善本。勸付梓以廣其傳。余辭官養病。日坐經卷藥爐之側。略知醫理。以視蕙亭之用藥如用兵。學有專精。益瞠乎後矣。

光緒十有三年丁亥暮春之月。繫姓愚弟翰芬譔。

序

本草曰古經以下。代有增訂。惟考核精詳。簡明切要之善本。卒不可觀。予友陳君蕙亭。浙東平湖之望族。文行藉藉。庠序間少年。因不得志於帖括。值徇匪不靖。遊幕雍梁。以筆墨勦辦軍務。爲當道所器重。中年後以巡宰需次吳門。與予在醫局。朝夕從事。十有二年。以手輯本草撮要兩冊見示。言簡而明。藥約而備。洵醫林之捷徑。後學之津梁也。倘付之手民。公諸同好。俾習醫者置之案頭。便於檢閱。卽不習醫者亦置一編。備爲觸寒冒雨之需。卻病攝生之助。斯功正未可量。又豈僅在醫局施診而已哉。予於陳君有厚望焉。因綴數語於簡端。

光緒十九年中秋後五日山右靈石李鏡涵書

自序

余質愚魯。明知學醫非有記性悟性。斷不能洞悉精微。隨機應變。以療人疾。無如嗜醫之心。已歷三十餘年。未嘗或倦。因之博採古今。各大家所著方藥。刪繁就簡。註於每藥之下。某藥某味某性。入某經專治某病。與某藥同用治某病。並將治某病。宜生用熟用。炙用炒用。研用獨用。以及某藥與某藥。相佐相惡。相畏相反。相須相殺。逐一註明。不加臆說。現值醫局從公之暇。次第錄成。置之案頭。以便查閱。聊資記性悟性之不足。若云藉此已能洞悉精微。隨機應變。以療人疾。則吾豈敢。

光緒十二年六月既望。當湖陳其瑞蕙亭識

是編之輯。亦猶楊氏之鈎元約。劉氏之本草述。而薙其繁蕪。但初不知有鈎元之刻。迨輯成後。始得而讀之。不意拙輯竟如復薙鈎元繁蕪者。抑亦奇矣。目次因水火土部。未能與草木等部一律。故附卷尾。藥品比備要略增。較從新稍減。主治悉遵經旨。體裁無異鈎元。以藥爲經。以方爲緯。撮其大要。亦可舉一反三。若欲必究其全。則自有諸家書在。

蕙亭又筆

本草撮要目次

草部

茵陳	車前	商陸	龍膽草	薔薇根	蘭茹	茜草	續斷	鈎藤	薄荷	白芷	夏枯草	馬兜鈴	五味子	萎蕤	黃耆
香薷	燈草	芫花	青黛	芭蕉根	鬱金	紫草	骨碎補	當歸	木賊	細辛	昆布	白前	天門冬	黃精	甘草
青蒿	瞿麥	澤漆	大小青	大黃	薑黃	凌霄花	益母草	芎藭	浮萍	柴胡	獨活	白芨	麥門冬	狗脊	人參
附子	扁蓄	常山	牽牛	黃芩	蓬莪朮	大小薊	佩蘭	芍藥	蒼耳子	麻黃	羌活	半夏	款冬花	石斛	北沙參
川烏頭	天仙藤	藜蘆	防己	黃連	荆三稜	三七	白微	生地	天麻	荆芥	防風	天南星	紫菀	遠志	丹參
天雄	地膚子	木通	葶藶	胡黃連	茅根	地榆	艾葉	熟地	秦艽	連翹	囊本	貝母	旋覆花	石菖蒲	元參
草烏	石韋	通草	甘遂	苦參	蘆根	蒲黃	延胡索	何首烏	稀莨草	紫蘇	葛根	栝樓實	百部	牛膝	白朮
白附子	海金沙	澤瀉	大戟	知母	苧根	卷柏	紅花	丹皮	威靈仙	前胡	升麻	天花粉	桔梗	甘菊花	蒼朮

木部

破故紙	肉蓯蓉	瑣陽	胡蘆巴	巴戟天	仙茅	淫羊藿	蛇牀子
菟絲子	覆盆子	白蒺藜	沙苑蒺藜	使君子	益智仁	砂仁	白豆蔻
肉豆蔻	草豆蔻	草果仁	香附	木香	藿香	小茴香	甘松香
夏薑	華撥	煙草	金銀花	蒲公英	紫花地丁	天名精	山豆根
牛蒡子	山慈菰	漏蘆	貫衆	射干	千金子	馬蘭子	蓖麻子
白頭翁	王瓜	王不留行	冬葵子	白鮮皮	草薺	土茯苓	白斂
旱蓮草	劉寄奴草	馬鞭草	穀精草	決明子	蓼實	青箱子	馬勃
木鼈子	敗醬						
茯苓	茯神	琥珀	松節	側柏葉	柏子仁	肉桂	桂心
桂枝	木犀花	枸杞子	地骨皮	山茱萸	酸棗仁	杜仲	女貞子
楮實	桑白皮	桑枝	桑甚	桑葉	桑寄生	山梔子	猪苓
黃蘗	枳實	枳殼	厚朴	檳榔	大腹皮	槐花	苦楝子
蔓荊子	石楠葉	辛夷	郁李仁	金櫻子	訶子	烏藥	五加皮
椿樗	榆白皮	秦皮	海桐皮	蕤仁	密蒙花	芙蓉花	山茶花
杉木	木槿	烏臼木	水楊柳	西河柳	皂角	櫻櫚	茶葉
吳茱萸	蜀椒	畢澄茄	蘇木	沉香	檀香	降香	丁香
乳香	沒藥	楓脂香	龍腦香	樟腦	蘇合香	血竭	阿魏
蘆薈	胡桐淚	蕪荑	沒石子	鬼箭羽	漆	巴豆	荊瀝

果部

竹 應 竹 茹 竹 葉 淡竹葉 天竹黃 雷 丸

四七

大 棗 杏 仁 巴旦杏仁 烏 梅 桃 仁 栗 梨 柿
 木 瓜 山 查 橘 皮 橘 核 橘 絡 青 皮 佛 手 柑 香 櫟
 花 紅 枇 杷 葉 枇 杷 楊 梅 石 榴 皮 銀 杏 胡 桃 荔 枝 核
 龍 眼 肉 橄 欖 梔 子 海 松 子 枳 椇 落 花 生 甜 瓜 瓜 蒂
 西 瓜 甘 蔗 白 沙 糖 紫 沙 糖 蓮 子 石 蓮 子 蓮 蕊 鬚 藕 衣 節
 敗 蓮 房 荷 葉 紫 背 荷 葉 菱 角 芡 實 荸 薺 慈 菇

蔬部

五五

韭 菜 韭 子 葱 白 薤 白 大 蒜 薑 薑 白 芥 子 萊 菔 子
 萊 菔 生 姜 姜 汁 姜 皮 煨 姜 乾 姜 黑 姜 胡 葵
 蔓 菁 子 胡 蘿 蔔 水 芹 旱 芹 蓬 蒿 菜 白 菜 菠 菜 薺 菜
 莧 菜 馬 齒 莧 生 菜 萵 苣 苣 搖 蓴 菜 半 蹄 菜 薺 菜
 黃 瓜 菜 魚 腥 菜 蕨 草 芋 瓜 土 芋 山 藥 甘 藷 百 合
 竹 筍 茄 子 壺 盧 冬 瓜 南 瓜 越 瓜 胡 瓜 絲 瓜
 茭 白 紫 菜 海 粉 石 花 菜 龍 鬚 菜 木 耳 香 蕈 蘑 菇
 雞 壘

五穀部

六五

粳 米 米 泔 陳 倉 米 杵 頭 糠 糯 米 穀 芽 飴 糖 秈 米

稷	黍	梁	粟	秫	穄	蜀黍	玉蜀黍
菰米	東廬子	蓬草子	芮草子	篩草子	稗	薏苡仁	御米殼
阿芙蓉	黑大豆	黃大豆	白豆	赤小豆	綠豆	豌豆	蚕豆
豇豆	白扁豆	稽豆	刀豆	黎豆	淡豆豉	大豆卷	豆腐
蒸餅	小麥	浮麥	麥奴	大麥	麥芽	麥粉	麵筋
橫麥	蕎麥	胡麻	大麻仁	神麴	紅麴	醬	醋

金石部

金	自然銅	銅青	鉛	鉛丹	蜜陀僧	古文錢	鐵
鐵炒	雲母石	白石英	紫石英	丹砂	水銀	輕粉	銀硃
雄黃	石膏	滑石	赤石脂	禹餘糧	爐甘石	無名異	鍾乳
煤	石灰	海浮石	陽起石	慈石	代赭石	空青	石膽
礬石	砒石	青礬石	花蕊石	石燕	石蟹	食鹽	戎鹽
凝水石	元精石	朴硝	火硝	元明粉	硝砂	礪砂	硫黃
白礬	綠礬						

人部

髮	牙齒	人中黃	金汁	人中白	童便	秋石	乳汁
天癸	紫河車						

禽獸部

蟲魚鱗介部

獾皮	麋茸	白馬鬃	猪	鷺	燕窩
鹿角	白馬乳	狗	鷄鵝油	夜明砂	
麝香	虎骨	羊	鷺	五靈脂	
貓胞	象皮	牛	鳧	雀	
猪權	犀角	牛黃	鷓鴣	鴿	
狗權	熊膽	黃明膠	鷺鷥	雞	
兔屎	羚羊角	驢溺	班鳩	烏骨雞	
獾鼠矢	鹿茸	阿膠	鵲	雉	

九一

蟬蛻	蜜蠟	斑貓	鯉魚	鰐魚	魴魚	蝦	鱒魚	蚌膽	田螺
蠅	露蜂房	蠍	鱧魚	嘉魚	金魚	海蝦	鱒魚	白花蛇	蜆肉粉
蟻	蟲白蠟	水蛭	鮑魚	鰻魚	七星魚	海馬	海參	烏梢蛇	真珠
螢	五倍子	五穀蟲	青魚膽	石首魚	鰻鱺	獺肝	龍骨	龜板	石決明
鼠婦	桑螵蛸	蟾蜍	勒魚	線魚	鰱魚	海狗腎	龍齒	鼈甲	煙
螢	白殭蠶	田雞	鱧魚	鯽魚	鰱魚	河豚	穿山甲	蟹	海蛤
蛇蟲	黃絲絹	蜈蚣	白魚	鰻魚	海螺	帶魚	蛤蚧	牡蠣	瓦楞子
蜂	原蠶沙	蚯蚓	鰕魚	鯽魚	海蛇	鯊魚	蛇蛻	蛤粉	淡菜

水火土部

目次

五

立春二節水

驚蟄春分四節水

小滿水

梅雨水

重午日午時水

神水

立秋處暑
白露秋分

霜

寒露水

霜降水

液雨水

大雪冬至
小寒大寒
臘日水

明水

露水

霜

臘雪

冰

潦水

半天水

甘爛水

急流水

逆流水

井泉水

醴泉水

玉井水

乳穴水

溫泉水

阿井水

山巖泉水

海水

地漿

百沸湯

生熟湯

蠶水

餽氣水

銅壺滴
水

桑柴火

炭火

蘆火竹火

燈火

燈花

艾火

神鍼火

雷火神鍼

白堊

伏龍肝

東壁土

墨

釜臍墨

百草霜

梁上塵

鹼

孩兒茶

本草撮要卷一

當湖陳其瑞蕙亭手輯 東陽周穀人校

草部

〔黃耆〕味甘微溫。入手足太陰經。功專益氣。得當歸活血。得白朮補氣。得防風其功益大。得滑石白糖煎服。治洞泄完穀不化神效。合人參甘草生薑爲保元湯。治痘虛不起。或加芎藭官桂糯米助之。生涼炙溫。生用或酒炒達表。蜜炙補中。鹽水炒補腎。茯苓爲使。惡龜甲白鮮皮。畏防風。氣旺者禁用。陰虛者宜少用。

〔甘草〕味甘平。入足陽明。通行十二經。功專解毒。生瀉熟緩。甘和溫補。得桔梗清咽喉。得大豆爲甘豆湯。解百藥毒奇驗。炙用補中。生用瀉火。用梢達莖中。止莖痛及淋症。白朮苦參乾漆爲使。惡遠志。反大戟芫花甘遂海藻。然亦有並用者。中滿者忌用。惟得茯苓則不資滿而反泄滿。若脾胃氣有餘與痢疾初起均忌用。

〔人蔘〕味甘苦。入手太陰。通行十二經。功專補五臟之陽。得羊肉補形。古方寒熱攻補劑中皆用之。以立正氣。誠爲上品。茯苓爲使。畏五靈脂惡皂莢黑豆紫石英人參。反藜蘆忌鐵。棧蘆能涌吐痰涎。體虛人用之以代瓜蒂。

〔北沙參〕味甘。入手足太陰經。功專補五臟之陰。止嗽除疝。得麥冬清肺。

熱得糯米補脾陰寒客肺中作嗽者勿服產沙地者良畏防己反藜蘆一名羊乳

〔丹參〕味苦入手少陰經功專調婦人經脈抵四物之功得山查炭益母草清產後瘀血發熱畏鹹水忌醋反藜蘆

〔元參〕味鹹入足少陰經功專清火滋陰得甘草桔梗止咽痛得牡蠣貝母治瘰癧元參酒炒壹錢荊芥穗微炒壹錢泡湯頻飲治頭暈目眩神效脾虛泄瀉者忌用蒸焙勿犯銅器惡黃耆山茱萸薑棗反藜蘆

〔白朮〕味辛甘入足太陰經功專除濕益氣得枳實能滌飲消痞得條芩能安胎無溼者禁用潰瘍亦忌以能生膿作痛也和脾糯米泔浸助脾土炒或蜜水炒入乳拌以制燥千金方齒長出口名曰髓盜單用白朮愈

〔蒼朮〕味苦辛溫入足陽明經功專補脾燥溼升陽散鬱得防風發汗得黃蘗勝濕得香附快中下二焦之氣得山梔解朮性之燥二朮皆防風地榆爲使糯米泔浸焙乾同芝麻炒以制其燥

〔萎蕤〕味甘入手太陰經功專補中益氣得石膏乾葛治風溫自汗身重語言難出諸不足可代棗然力薄鮮效去皮節或蜜水或酒浸蒸用畏鹽鹵一名玉竹一名地節

〔黃精〕味甘入足太陰陽明經功專補諸虛安五臟得枸杞補精益氣得蔓菁養肝明目久服不飢俗名山薑九蒸九晒用

〔狗脊〕味苦甘入足少陰經功專強肝腎健筋骨得鹿茸白斂治帶下得

川烏、草薢治諸風。有黃毛如狗形。故曰金毛狗脊。去毛切。酒拌蒸。草薢爲使。

〔石斛〕味甘鹹。入足陽明太陰少陰經。功專清胃熱。兼益腎精。得生薑治囊濕精清。小便餘瀝。同川芎爲末。搐鼻。治睫毛倒入。去頭根酒浸用。惡巴豆。畏殭蠶。

〔遠志〕味苦辛。入足少陰經。功專治健忘。得茯苓入腎通陽。得棗仁通心安神。去心。甘草水浸一宿用。畏珍珠、藜蘆。得茯苓、龍骨良。

〔石菖蒲〕味辛。入手少陰足太陰經。功專開發心陽。得犀角、生地、連翹。治熱邪入絡神昏。去皮微炒用。秦朮爲使。惡麻黃。忌飴糖、羊肉、鐵器。

〔牛膝〕味酸苦。入足厥陰經。功專下達。生用逐瘀。熟用強筋。得肉蓯蓉益腎。得杜仲補肝。性下行滑竅。夢遺失精。及脾虛下陷。因而腿膝腫痛者。禁用。下行生用。入滋補藥酒浸蒸。惡龜甲。畏白朮。忌羊肉。墮胎。

〔甘菊花〕味兼甘苦。入手太陰經。功專清頭目風火。得枸杞便能下行悅腎。尤杞、地骨皮爲使。黃者入陰分。白者入陽分。紫者入血分。

〔五味子〕味酸。兼鹹苦甘辛。入手太陰足少陰經。功專斂肺經浮游之火。歸腎藏散失之元。得半夏治痰。得阿膠定喘。得吳茱萸治五更腎泄。瞳子散大。咳嗽初起。脈數有實火者忌用。入滋補藥蜜浸蒸。入勞嗽藥生用。槌碎核。若風寒在肺宜南產者。蓯蓉爲使。惡萎蕤。

〔天門冬〕味甘苦。入手太陰經。功專清肺熱。得熟地入腎。得人參、五味、枸

杞同爲生脈之劑。性冷利。胃虛無熱及瀉者忌用。去心皮酒蒸。地黃、貝母爲使。惡鯉魚。

〔麥門冬〕味甘。入手少陰太陰經。功專清心保肺。得地黃、阿膠、麻仁同爲潤經復脈之劑。得五味子能都攝肺腎之津液。但性寒而泄。氣弱胃寒人禁用。去心用。入滋補藥酒浸。地黃、車前爲使。惡款冬花、苦參、青葙、木耳。

〔款冬花〕味辛。入手太陰經。功專開痰止咳。得白微、貝母、百部治肺實鼻塞。得黃連數口中疳瘡。揀淨花。甘草水浸一宿暴用。得紫苑、良杏仁爲使。惡皂莢、硝石、玄參、畏黃耆、貝母、連翹、麻黃、青葙、辛夷。雖畏貝母。得之反良。〔紫苑〕味苦辛。入手太陰經。功專療咳逆上氣。得款冬、百部、烏梅治久咳。得白前、半夏、大戟治水氣喘逆。蜜水浸焙用。款冬爲使。惡天雄、瞿麥、藁本、遠志、畏茵陳。白者名女苑。

〔旋覆花〕味鹹甘溫。入手太陰陽明經。功專散結氣。得代赭石、半夏治噫氣。得葱、新絳治半產漏下。大腸虛者慎用。根能續筋。筋斷者搗汁滴傷處。煅數其下。半月不開。筋自續。又名金沸草。

〔百部〕味甘苦微溫。入手太陰經。功專治咳嗽殺蟲。得生薑治經年寒嗽。去心皮酒浸焙用。有小毒。洗衣去虱。

〔桔梗〕味苦。入手太陰足少陰經。功專清喉利膈。得甘草能載引上行入肺。爲舟楫之劑。開提氣血。表散寒邪。清利咽喉。下痢腹痛腹滿腹鳴。去淨皮。泔浸微炒用。畏龍膽、白芨。忌豬肉。有甜苦二種。甜者名薺芩。

〔馬兜鈴〕味苦寒。入手太陰經。功專治熱咳實證。得甘草治肺氣喘急。亦可吐蟲。千金方單服治水腫。去筋膜。取子用。有毒。多服則吐利不止。搗末塗疔腫良。

〔白前〕味甘微辛。入手太陰經。功專降氣下痰。得桔梗、桑皮治咳嗽吐血。去頭鬚。甘草水浸一晝夜。焙用。忌羊肉。

〔白芨〕味苦。入手太陰經。功專療金瘡癰毒。得黃絹、丹皮能補腠損。並跌打折傷。手足皴裂。滑肌。紫石英爲使。畏杏仁。反烏頭。重舌鵝口爲末。乳汁調塗足心。

〔半夏〕味辛。入手太陰、少陰二經。功專消痰止嘔。救五絕急病。得醋製。再得茯苓、甘草。治伏暑引飲。得黃連、栝蒌治結胸。得硫黃治老人虛秘。得牡蠣、猪苓。治無管攝之遺濁。得沈香末、生薑。治眉稜骨痛神效。柴胡、射干爲使。畏生薑、秦皮、龜甲、雄黃。忌羊肉、海藻、飴糖。惡皂莢。反烏頭。

〔天南星〕味苦溫。入手足太陰經。功專豁痰驅風。得生薑、天麻。治吐瀉慢驚。得防風。治跌撲金刃傷風。得琥珀、硃砂治痰迷心竅。墮胎。陰虛燥痰均忌。畏附子、乾薑、防風。一名虎掌。得防風則不麻。火炮則毒性緩。得牛膽則不燥。且膽有益肝膽之功。

〔貝母〕味甘。入手太陰經。功專潤肺化痰。得桔梗下氣。得白芷消便癰。去心。糯米拌炒黃搗用。以生末塗人面瘡神效。厚朴、白微爲使。畏秦艽。反烏頭。

〔栝蒌實〕味苦。入手太陰經。功專潤燥降火。得文蛤治痰嗽。得杏仁、烏梅治肺痿咳血。二便不通。瀉者忌。去油。用枸杞爲使。畏牛膝、乾漆、惡乾薑、反烏頭。俗作瓜蒌。

〔天花粉〕味甘苦。入手太陰經。功專潤肺生津。通經。止小水利。熱狂時疾。得人參、麥冬治消渴飲水。脾胃虛寒禁用。卽瓜蒌根研粉燈出極細者晒乾。名玉露霜。

〔夏枯草〕味苦辛。入足厥陰經。功專治頭瘡瘰癧。得香附、甘草治目珠疼痛。得香附、貝母治馬刀。獨用治目珠夜痛。

〔昆布〕味鹹寒。入足太陽經。功專軟堅破結。得海藻治癭氣結核。多服令人瘦。

〔獨活〕味辛苦微溫。入足厥陰經。功專通關逐痺。發表散寒。得細辛治少陰伏風。頭痛頭暈目眩。得地黃治風熱齒痛。

〔羌活〕味辛苦。性溫氣雄。入足太陽兼入足少陰厥陰經。功專泄濕除風。得當歸利勞傷骨節酸痛。得葱頭、生薑、黃酒脚、白鳳仙根。不拘多少。不加水煨熱燠洗。日兩次。治手臂酸麻痛不可動神效。予曾臂麻不仁。燠洗半年而愈。並不服藥。血虛者禁用。

〔防風〕味甘辛。入手太陽足太陽足厥陰經。功專驅風。其性柔淫。無所不入。隨主藥而走經絡。得葱白能通行周身。得澤瀉、藁本療風濕。得當歸芍藥、陽起石、禹餘糧。療婦人子藏風冷。若虛。瘧頭痛不因風寒。泄瀉不因寒

濕火升發嗽。陰虛盜汗。陽虛自汗。並忌。然同黃耆芍藥。又能實表止汗。合黃耆。白朮名玉屏風散。爲固表聖藥。畏葶藶。惡乾薑。白斂。芫花。殺附子毒。〔藁本〕味辛溫。入手太陰足太陽經。功專治頭風脊強。陰寒腫痛。腹中急痛。胃風泄瀉。婦人疝瘕。得木香治霧露之邪中於上焦。得白芷療風濕。可作面脂獨用。煎湯浴疥癬良。惡藺茹。

〔葛根〕味甘辛。入足太陰陽明經。功專升胃氣。散胃中鬱熱。得香豉治傷寒頭痛。得粟米治小兒熱渴。得葱白治頭痛如破神效。開腠發汗。解肌退熱。爲脾胃虛弱泄瀉之聖藥。葛花解酒毒尤良。生葛汁大寒。解溫病大熱。吐衄諸血。凡斑痘已見點忌用。

〔升麻〕味辛。入手陽明手太陰足太陰經。功專升發。火在上非升不散。氣陷下非升莫舉。惟東垣善用之。得葱白散手陽明風邪。得石膏止陽明齒痛。得柴胡引生氣上升。得葛根發陽明之汗。陰虛火動者忌。去鬚蘆用。〔白芷〕味辛溫。通行手足陽明經。功專療風止痛排膿。得土貝。瓜蒌治乳癰。得辛夷細辛治鼻病。得單葉紅蜀葵根排膿。得椿根皮。黃蘗治婦人濕熱帶下。其性升散。血熱有虛火者禁用。微炒。當歸爲使。惡旋覆花。

〔細辛〕味苦辛。入足少陰厥陰經。功專宣達甲膽。得黃連治口瘡齒齕。得決明。鯉魚膽。青羊肝療目疾疼痛。惡黃耆。山茱。畏硝石。滑石。反藜蘆。

〔柴胡〕味苦辛。入足少陽經。功專入經達氣。入絡和血。升不上顛頂。下不散皮毛。故入膽而合其無出無入之性。得益氣藥則升陽。得清氣藥則散。

邪。陰虛火炎氣升者禁用。外感生用。內傷升氣酒炒用。根治中焦及下降用梢。有汗咳者蜜水炒。前胡半夏爲使。惡皂角。苗主治卒聾。搗汁滴之。良。出江南古城山名齊接口者佳。內雜他藥。須揀淨用。銀州柴胡。宣治虛勞。飢熱。骨蒸勞瘵。熱從髓出。及小兒五疳羸熱。根長丈餘微白。

〔麻黃〕味苦辛。入手太陰足太陽經。功專散邪通陽。得射干治肺痿上氣。得桂心治風痺冷痛。夏月禁用。過服亡陽。蜜炒稍緩。止汗用根。厚朴白微爲使。惡辛夷。石膏。

〔荊芥〕味辛。入足厥陰經。功專治產後血暈。得石膏治風熱頭痛。得甘草洗爛漚。頭旋目暈。荊芥穗微炒三錢。酒煎服神效。若用酒洗元參一錢。荊芥穗一錢。泡湯常飲亦可。治血炒黑用。反魚蟹河豚驢肉。風在皮裏膜外。荊芥主之。

〔連翹〕味苦氣平。入手足少陽少陰厥陰氣分。兼入手陽明經。功專散血結氣聚。瀉心與小腸之熱。得瞿麥大黃甘草治項邊馬刀。得脂麻治瘰癧結核。止痛消腫排膿。爲瘡家聖藥。

〔紫蘇〕味辛溫。入手太陰經。功專發表散寒。得廣皮砂仁則行氣安胎。得木瓜厚朴治寒濕腳氣。得藿香烏藥溫中止痛。得香附解肌。得芎藭當歸和血散血。得桔梗枳殼利膈寬腸。得茴子杏仁消痰定喘。葉得百合治夜不寐。梗得桔梗治梅核氣。解蟹毒。

〔前胡〕味苦。入手足太陰陽明經。功專散風下氣。得桔梗治痰熱咳逆。無